

Bangladesh Northern Evangelical Lutheran Church- re Paska Girja.;

Isa.i hor.koak' maran' dhorom po_ro_b Easter Sunday se paska porob n'utumte Chapainawabgonj jila. reak' sodor upa.jila. Amnura Mission iskul mat.hre BNELC reak' maran' Simrak' Paska (Sunrise) Girja. do_hoe pura.uenā. 17 April At.hwar hilok' an'ga simrak' 5:00 am baja okte khonak' nia. girja. do ehop'lēna. Jisu Ma.siak' jiwet' beredok' dik'sa. rua.r. n'utumte noa bises girja.re Nia. diso_m ar got.a dha.rti reak' suluk ar ja.t ja.tko talare dupula.r. tahe~n babot ho~ koejon' hoyena. Simrak' Paska girja.re Amnura Mission mand.er ar ona ad.epase t.ot.haren (Mirjapur, Jolahar, Sakot.ola, Jhina.khor, Pha.gupar.a, Sanjra) 300 cetan isa.i boeha miserako selet'lēna.

Isa.i hor.koak' biswa.s lekate, Jisu Ma.si gujuk' tayom tesarak' din do_e jiwet' beret' akana. Ado_ Jisu Ma.siye jiwet' beret' hotete dha.rtiren manwa ka.i khon ban'caoko n'amkeda ar nonkate Jisu Ma.si Jiwet' beredok' At.hwar do_ Paska se Easter Sunday hisa.bte manao hijuk' kana. Jisu Ma.siak' jiwet' beret' metak'me jitan din mimit' diso_mren isa.i hor.ko aema lekan a.n-a.ri talate noa dinko manao ganaoeda.

Nia. Maran' Simrak' Paska po_ro_b girja.e a.k'yurkeda BNELC ren mare GS Rev. Suban Kisku. Girja.re arho~ selet'kate johar katha ko la.e pasnaokeda BNELC-Rajshahi circle Chairman Mn Rabindronath Hembrom, National Christian Fellowship of Bangladesh(NCFB) ren Program Coordinator ar onolia. Mn. Mithusilak Murmu, BNELC-Trust Board secretary Mn. Hingu Murmu, TF/NAGR ren Director Mn. Stephen Soren. A.d.i ra.ska. salak' napaete noa Simrak' Paska (Sunrise) girja. hoe pura.uenā ar darakan bochor ho~ sanamko nia. ar ho~ noa Simrak' se Sunrise girja. hoyok'a menteko sodorkeda a.yur komitte ko. Ona selet' Manotan ko arho~ ko menkeda, nonkage jemon tayom daram dinre BNELC reak' mimit' mand.erre simrak' paska girja. metak'me cando a.uri rakabok'rege (Sunrise) girja. hoyok'ma.